

第 八 冊 (全十八冊)

國家圖書館出版社

# 《史記》研究文獻輯刊

吳平 周保明 選編

第八冊

《史記》

研究文獻輯刊

國家圖書館出版社

# 第八冊目錄

桐城吳先生點勘史記讀本一百三十卷（卷九—二十七） 清·吳汝綸點校 民國四年（1915）鉛印本……………一

此段非止爲適庶生怨起  
本諸呂之主必先剪滅劉  
氏殺趙王乃滅劉之漸故  
用此發端以振起全篇

呂后本紀第九

史記九

呂太后者高祖微時妃也。生孝惠帝。女魯元太后。及高祖爲漢王。得定

陶戚姬。

如淳云。姬音怡。錢云。姬從臣聲。姬妾字讀如怡。乃是正音。六朝人謂妾母爲戚。字易而音不殊。與姬姓讀如基者有別。如淳去

古未遠。當有所受。案錢氏此說。殊誤。六朝人稱妾母爲戚。自謂與其母若女兄弟耳。豈得稱父妾爲姬哉。愛幸。生趙隱王如

意。孝惠爲人仁弱。高祖以爲不類。我常欲廢太子。立戚姬子如意。如意

類我。戚姬幸。常從上之關東。日夜啼泣。欲立其子代太子。呂后年長。常

留守。希見上。益疏。如意立爲趙王。後幾代太子者數矣。賴大臣爭之。及

留侯策。太子得毋廢。呂后爲人剛毅。佐高祖定天下。所誅大臣多。呂后

力。呂后兄二人皆爲將。長兄周呂侯死。事封其子呂台爲酈侯。子產爲

交侯。

梁云。漢表作凌縣在沛。惠景侯表作郊。

次兄呂釋之爲建成侯。高祖十二年四月甲

辰。崩長樂宮。太子襲號爲帝。是時高祖八子。長男肥。孝惠兄也。異母肥。

爲齊王。餘皆孝惠弟。戚姬子如意爲趙王。薄夫人子恒爲代王。諸姬子子恢爲梁王。子友爲淮陽王。子長爲淮南王。子建爲燕王。高祖弟交爲楚王。兄子濞爲吳王。非劉氏功臣番君吳芮子臣爲長沙王。呂后最怨戚夫人及其子趙王。迺令永巷囚戚夫人而召趙王。使者三反。趙相建平侯周昌謂使者曰：「高帝屬臣趙王。趙王年少。竊聞太后怨戚夫人。欲召趙王并誅之。臣不敢遣王。王且亦病。不能奉詔。」呂后大怒。迺使人召趙相。趙相徵至長安。迺使人復召趙王。王來未到。孝惠帝慈仁。知太后怒。自迎趙王霸上。與入宮。自挾與趙王起居飲食。太后欲殺之。不得閒。孝惠元年十二月。帝晨出射。趙王少。不能蚤起。太后聞其獨居。使人持酖飲之。犂明。孝惠還。趙王已死。於是迺徙淮陽王友爲趙王。夏。詔賜酈侯交追諡爲令武侯。太后遂斷戚夫人手足。去眼。煇耳。飲瘖藥。使居鞠

著意處用重筆煞住

公主夫爲侯則公主乃侯  
妃也高祖制異姓不得封  
王尊公主爲王太后者爲  
欲導呂后改制封公主子

域中

本作廁中依漢書改集解索隱皆不著史漢異文命曰人彘居數  
明本同也漢紀作鞠室顏監釋鞠域以爲窟室

命曰人彘居數

日。迺召孝惠帝觀人彘。孝惠見問。迺知其戚夫人。迺大哭。因病。歲餘不  
能起。使人請太后曰。此非人所爲。臣爲太后子。終不能治天下。孝惠以  
此日飲爲淫樂。不聽政。故有病也。二年。楚元王齊悼惠王皆來朝。十月。  
孝惠與齊王燕飲太后前。孝惠以爲齊王兄。置上坐。如家人之禮。太后  
怒。迺令酌兩卮。酹置前。令齊王起爲壽。齊王起。孝惠亦起。取卮欲俱爲。  
壽。太后迺恐。自起。泛孝惠卮。齊王怪之。因不敢飲。詳醉去。問知其酹。齊  
王恐。自以爲不得脫。長安憂。齊內史士說王曰。太后獨有孝惠與魯元  
公主。今王有七十餘城。而公主迺食數城。王誠以一郡上太后。爲公主  
湯沐邑。太后必喜。王必無憂。於是齊王迺上城陽之郡。尊公主爲王太  
后。呂后喜。許之。迺置酒齊邸樂飲。罷歸齊王。三年。方築長安城。四年。就

爲王也用此迎合呂后故  
呂后喜且與下王諸呂取  
影

此亦迎合呂后以求免禍  
故與齊王事類叙

筆裁重壓振起後文

議欲立諸呂爲王欲以王  
諸呂爲漸太后欲候諸呂  
太后欲王呂氏行文節奏  
以次遞進

牛五年六年城就諸侯來會十月朝賀七年秋八月戊寅孝惠帝崩發  
喪太后哭泣不下留侯子張辟彊爲侍中年十五謂丞相曰太后獨有  
孝惠今崩哭不悲君知其解未本作平侯漢書改未未字雋永丞相曰何解辟彊曰帝  
毋壯子太后畏君等君今請拜呂台呂產呂祿爲將將兵居南北軍及  
諸呂皆入宮居中用事如此則太后心安君等幸得脫禍矣丞相迺如  
辟彊計太后說其哭迺哀呂氏權由此起迺大赦天下九月辛丑葬太  
子卽位爲帝謁高廟元年號令一出太后太后稱制議欲立諸呂爲王  
問右丞相王陵王陵曰高祖刑白馬盟曰非劉氏而王天下共擊之今  
王呂氏非約也太后不說問左丞相陳平絳侯周勃等對曰高帝定  
天下王子弟今太后稱制王昆弟諸呂無所不可太后喜罷朝王陵讓  
陳平絳侯曰始與高帝噓血盟諸君不在邪今高帝崩太后女主欲王



呂氏諸君縱欲阿意背約何面目見高帝地下乎增依通鑑字陳平絳侯曰

於今面折廷爭臣不如君夫全社稷定劉氏之後君亦不如臣王陵無

以應之十一月太后欲廢王陵乃拜為帝太傅奪之相權王陵遂病免

歸廼以左丞相平為右丞相以辟陽侯審食其為左丞相左丞相不治

事令監宮中如郎中令食其故得幸太后常用事公卿皆因而決事廼

追尊酈侯父為悼武王欲以王諸呂為漸四月太后欲侯諸呂廼先封

高祖之功臣郎中令無擇為博城侯魯元公主薨賜諡為魯元太后

偃為魯王魯王父宣平侯張敖也封齊悼惠王子章為朱虛侯封朱虛侯通鑑

在二年五月考異云史記高后紀在元年今從漢書王子侯表某案史記惠景間侯者表亦在二年五月與漢表同溫公未檢史表殊疏但此

文紀表互異不必改紀就表本紀因事類記不依年月以呂祿女妻之

齊丞相壽為平定侯梁云壽史漢表皆作受少府延為梧侯乃封呂種為沛侯呂



平爲扶柳侯。張買爲南宮侯。太后欲王呂氏。先立孝惠後宮子彊爲淮陽王。子不疑爲常山王。子山爲襄城侯。子朝爲軹侯。子武爲壺關侯。太后風大臣。大臣請立酈侯呂台爲呂王。太后許之。建成康侯釋之卒。嗣子有罪廢。立其弟呂祿爲胡陵侯。續康侯後。二年。常山王薨。以其弟襄城侯山爲常山王。更名義。十一月。呂王台薨。諡爲肅王。太子嘉代立爲王。三年無事。四年。封呂類爲臨光侯。梁云如淳文帝紀注作林光侯呂他爲俞侯。梁云俞當酈作呂更始爲贅其侯。呂忿爲呂城侯。及諸侯丞相五人。宣平侯女爲孝惠皇后時。無子。詳爲有身。取美人子名之。殺其母。立所名子爲太子。孝惠崩。太子立爲帝。帝壯。或聞其母死。非眞皇后子。迺出言曰。后安能殺吾母而名我。我未壯。壯卽爲變。太后聞而患之。恐其爲亂。乃幽之永巷中。言帝病甚。左右莫得見。太后曰。凡有天下治爲萬民命者。凡有天下治爲萬民

命者句漢書去爲字命  
字全失古人造句法

蓋之如天容之如地上有懽心以安百姓百姓

欣然以事其上。懽欣交通而天下治。今皇帝病久不已。迺失惑惜亂。不能繼嗣。奉宗廟祭祀。不可屬天下。其代之。羣臣皆頓首言。皇太后爲天下齊民計。所以安宗廟社稷甚深。羣臣頓首奉詔。帝廢位。太后幽殺之。五月丙辰立常山王義爲帝。更名曰弘。不稱元年者。以太后制天下事。故也。故字依通鑑增此字句執尤酣足以軹侯朝爲常山王。置太尉官。絳侯勃爲太尉。五年八月淮陽王薨。以弟帝關侯武爲淮陽王。六年十月太后曰。呂王嘉居處驕恣。廢之。以肅王台弟呂產爲呂王。夏赦天下。封齊悼惠王子興居爲東牟侯。七年正月太后召趙王友。友以諸呂女爲后。弗愛。愛他姬。諸呂女妒。怒去。讒之於太后。誣以罪過。曰。呂氏安得王。太后百歲後。吾必擊之。太后怒。以故召趙王。趙王至。置邸不見。令衛圍守之。弗與食。

其羣臣或竊饋輒捕論之趙王餓乃歌曰諸呂用事兮劉氏危

王校依漢書改

微作

迫脅王侯兮彊授我妃我妃既妒兮誣我以惡讒女亂國兮上曾不

寤我無忠臣兮何故弃國自決中野兮蒼天舉直

舉當依集解一本作與與舉通借字舉猶

與也直如楚辭命咎繇使聽直

于嗟不可悔兮寧蚤自財爲王而餓死兮誰者憐之呂

氏絕理兮託天報仇丁丑趙王幽死以民禮葬之長安民冢次已丑日

食畫晦太后惡之心不樂迺謂左右曰此爲我也二月徙梁王恢爲趙

王呂王產徙爲梁王梁王不之國爲帝太傅立皇子平昌侯太爲呂王

更名梁曰呂呂曰濟川太后女弟呂頌有女爲營陵侯劉澤妻澤爲大

將軍太后王諸呂恐卽崩後劉將軍爲害迺以劉澤爲琅邪王以慰其

心梁王恢之徙王趙心懷不樂太后以呂產女爲趙王后王后從官皆

諸呂擅權微伺趙王趙王不得自恣王有所愛姬王后使人酖殺之王

乃爲歌詩四章。令樂人歌之。王悲。六月卽自殺。太后聞之。以爲王用婦人。奔宗廟。禮廢其嗣。宣平侯張敖卒。以子偃爲魯王。敖賜諡爲魯元王。秋。太后使使告代王。欲徙王趙。代王謝。願守代邊。大傅產丞相平等言。武信侯呂祿上侯位次第一。請立爲趙王。太后許之。追尊祿父康侯爲趙昭王。九月。燕靈王建薨。有美人子。太后使人殺之。無後。國除。八年十月。立呂肅王子東平侯呂通爲燕王。封通弟呂莊爲東平侯。三月中。呂后祓還過軹道。見物如蒼犬。據高后掖。據字徐音載則據本是據與漢書同作據者誤字也然通志已忽弗復見。卜之云。趙王如意爲祟。高后遂病。掖傷。高后爲外孫魯元王。偃年少。蚤失父母。孤弱。迺封張敖前姬兩子侈爲新都侯。梁云新都史漢表并作信都壽爲樂昌侯。以輔魯元王。偃及封中大謁者張釋爲建陵侯。梁云惠景侯表匈奴傳皆作張澤呂榮爲祝茲侯。諸中宦者令丞皆爲關內侯。

食邑五百戶。七月中，高后病甚，乃令趙王呂祿爲上將軍，軍北軍；呂王產居南軍。呂太后誡產祿曰：「高帝已定天下，與大臣約曰：『非劉氏王者，天下共擊之。』今呂氏王大臣弗平，我卽崩，帝年少，大臣恐爲變，必據兵衛宮，慎毋送喪，毋爲人所制。」辛巳，高后崩，遺詔賜諸侯王各千金，將相列侯郎吏皆以秩賜金，大赦天下。以呂王產爲相國，以呂祿女爲帝后。高后已葬，以左丞相審食其爲帝太傅。朱虛侯劉章有氣力，東牟侯興居，其弟也，皆齊哀王弟，居長安。當是時，諸呂用事，擅權，欲爲亂，畏高帝故大臣絳灌等未敢發。朱虛侯婦呂祿女陰知其謀，恐見誅，迺陰令人告其兄齊王，欲令發兵西誅諸呂而立朱虛侯。欲從中與大臣爲應。齊王欲發兵，其相弗聽。八月丙午，齊王欲使人誅相，相召平迺反，舉兵欲圍王。王因死其相，遂發兵東，詐奪琅邪王兵，并將之而西。語在齊王語。

中齊王迺遺諸侯王書曰。高帝平定天下。王諸子弟。悼惠王王齊。悼惠王薨。孝惠帝使留侯良立臣爲齊王。孝惠崩。高后用事。春秋高。聽諸呂。擅廢帝更立。又比殺三趙王。滅梁趙燕。以王諸呂。分齊爲四。忠臣進諫。上惑亂弗聽。今高后崩。而帝春秋富。未能治天下。固恃大臣諸侯。而諸呂又擅自尊官。聚兵嚴威。劫列侯忠臣。矯制以令天下。宗廟所以危。寡人率兵入誅。不當爲王者。漢聞之。相國呂產等乃遣潁陰侯灌嬰將兵擊之。灌嬰至滎陽。迺謀曰。諸呂權兵關中。權當依通鑑作擁此形似而譌欲危劉氏而自立。今我破齊還報。此益呂氏之資也。迺留屯滎陽。使使諭齊王及諸侯與連和。以待呂氏變。共誅之。齊王聞之。迺還兵西界待約。呂祿呂產欲發亂。關中內憚絳侯。朱虛等外畏齊楚兵。又恐灌嬰畔之。欲待灌嬰兵與齊合而發。猶豫未決。當是時。濟川王太。淮陽王武。常山王朝。名爲



少帝弟及魯元王呂后外孫皆年少未之國居長安趙王祿梁王產各將兵居南北軍皆呂氏之人也

依通鑑增也字

列侯羣臣莫自堅其命大尉絳

侯勃不得入軍中主兵曲周侯酈商老病其子寄與呂祿善絳侯迺與

丞相陳平謀使人劫酈商令其子寄往結說呂祿曰高帝與呂后共定

天下劉氏所立九王呂氏所立三王皆大臣之議事已布告諸侯王諸

侯王以爲宜

今本作布告諸侯皆以爲宜依通志改當是宋本史記如此漢紀同

今太后崩帝少而足

下佩趙王印不急之國守藩迺爲上將將兵畱此爲大臣諸侯所疑足下何不歸將印以兵屬太尉請梁王歸相國印與大臣盟而之國齊兵必罷大臣得安足下高枕而王千里此萬世之利也呂祿信然其計欲歸將印以兵屬太尉使人報呂產及諸呂老人或以爲便或曰不便計猶豫未有所決呂祿信酈寄時與出遊獵過其姑呂嬃嬃大怒曰若爲



將而奔軍。呂氏今無處矣。迺悉出珠玉寶器散堂下。曰：毋爲他人守也。

左丞相食其免。

九月

本作八月依通鑑考異校改

庚申旦，平陽侯留行御史大夫事。

見相國產計事。郎中令賈壽使從齊來，因數產曰：王不蚤之國，今雖欲

行，尙可得邪？具以灌嬰與齊楚合從，欲誅諸呂，告產乃趣產急入宮。平

陽侯頗聞其語，迺馳告丞相太尉。太尉欲入北軍，不得入。襄平侯通尙

符節，迺令持節矯內太尉北軍。太尉復令酈寄與典客劉揭先說呂祿，

曰：帝使太尉守北軍，欲足下之國，急歸將印辭去，不然禍且起。呂祿以

爲酈兄，不欺已，遂解印屬典客，而以兵授太尉。太尉將之入軍門，行令

軍中曰：爲呂氏右袒，爲劉氏左袒。軍中皆左袒，爲劉氏。太尉行至將軍

呂祿，亦已解上將印去。太尉遂將北軍。然尙有南軍。平陽侯聞之，

此句遙接

平陽侯頗聞其語梁氏妄謂當衍謬甚

以呂產謀告丞相平。丞相平迺召朱虛侯佐太尉。

太尉令朱虛侯監軍門。令平陽侯告衛尉毋入相國產殿門。呂產不知。呂祿已去北軍。迺入未央宮。欲爲亂。殿門弗得入。裴回往來平陽侯恐。弗勝。馳語太尉。太尉尙恐不勝。諸呂未敢訟言誅之。迺遣朱虛侯謂曰。急入宮衛帝。朱虛侯請卒。太尉予卒千餘人。入未央宮門。見產廷中。上見有遂字通鑑通志皆無此遂字今校刪。日舖時遂擊產。產走。天風大起。以故其從官亂。莫敢鬪。遂產殺之。郎中府吏舍依漢書補舍字廁中。朱虛侯已殺產。帝命謁者持節勞朱虛侯。朱虛侯欲奪節信。謁者不肯。朱虛侯則從與載。因節信馳走。斬長樂衛尉呂更始。還馳入北軍。報太尉。太尉起拜賀。朱虛侯曰。所患獨呂產。今已誅。天下定矣。遂遣人分部悉捕諸呂男女。無少長皆斬之。辛酉。捕斬呂祿。而笞殺呂頹。使人誅燕王呂通。而廢魯王偃。壬戌。以帝太傅食其復爲左丞相。戊辰。徙濟川王王梁。立趙